



الزقصة قصيره فوق

تأليف وكتابة
قلم تايسون

جميع حقوق الطبع والنشر محفوظة للكاتب ...

_ شاييف النور اللي هناك دا ي حسام

= فين يا بابا

_ هناك اهو في اخر النفق لو مشيت الطريق دا لأخره هتستريح

ومش هتبقي ف ضلمه ثاني

= حاضر ، حاضر يا بابا

_ هانت يا حبيب ابوك معدش فاضل غير قليل اديك مشيت

نص الطريق

= فعلاً هانت لسه النص الثاني

_ جدع ، جدع يا حسام

= بابا انا رجلي وجعتني وبصراحه اكثر انا خايف اشوف النور

اتعمي انا خلاص اتعودت ع الضلمه

_ مش عاوز تكون وسط زمايلك اللي سابقوك ووصلوا

= لا مهو انا سألتهم قالولي ان النور دا وهم وان اخر النفق دا

كانت لمبه واحده وان دي م اخر النفق ولا حاجه دا انا لسه

همشي اد اللي مشيته مرتين تلاته علشان اوصل للنور اللي انت

حكيتلي عنه

_ ي حسام انا ابوك وانا اللي كنت سبب تكون ف الدنيا بعيداً

عن انك تبرني وتسمع كلامي أو تكون ابن عاق الا اني ف

الحالتين هكون عاوز اشوفك احسن الناس بل واحسن مني

كمان تقدر ؟

= هحاول ...

وبعد مرور فتره والاستمراريه موجوده مع تحفيز الاب

_ عاش انت اخبارك اي دلوقتي ؟

= ماشي الحال وكله تمام بس رجلي كاد ان تتقطع مني معدش

قادر امشي

_ حاول ومتكسررش بخاطري انا عملت كل حاجه علشان توصل
لهنا

= حاضر يابابا انشاء الله هشرفك

ويقع حسام بعد التعب من كتر المشي

_ قوم وكمل متخفش انا معاك

= حاضر بس انا مش سوبر مان

_ ومين كان سوبر مان انت لما وقعت الكل داس فوقك وكمل

وانت اللي فضلت محلك سر

= يبابا بس انا...

_ انت انسان فاشل ومش هتنفع ف حياتك طول م انت ماشي

تقع كدا

وبس يا دكتور انا منكرش انه سندي كثير بس وقتها انا كنت

مليان نشاط كافي بدون تحفيز ابي اجري ف الضلمه واكون

ادها ولما وقعت كنت وهو قومي ونفض هدومي انا كنت

مستي حزن منه وحرфия لما قولتله انا مش سوبر مان كنت

مستي كلمه وكنت هطير شبه سوبر مان بس للاسف احبطني

-طب لي مفكرتش مثلا انه بيقولك كدا علشان تقاوم ، علشان

تكون اد الدنيا

= انا عارف انه ميقتدش بس انا نفسييتي تعبت من كلامه ابويا

اتغير واسلوبه معدش زي زمان كل كلامه دلوقتي عن الفشل

والاحباط

- طب م ترد انت عليا وتقوله انا مش فاشل واعتبر وقعتك دي

كنت قاعد تستريح وإنشاء الله خير

= المتابعه امته ي دكتره

- لما توصل لآخر النفق وترفع راس ابوك ابقى تعالى طمني
حلمك مش هسيبك تحققه لوحدهك ولو كان ابوك عصبي شويه
استحمله اكيد مشافش قليل واهو ربنا عوضك بأخ كبير اسمه
الدكتور حسن واعتبرني يعم معاك ف اللي جاي كله بس تعدي
النفق دا لوحدهك لان قرارك وانت صغير ممكن يخرجك من النفق
او يحبسك ف النص ولا تبقي شوفت النور ولا خلصت من
الضلمه ..

بـقـلـم تـايسـون 